

辯正論卷第四

旦四

唐沙門釋法琳撰

東宮學士陳子良註

十代韋佛篇第二中

唐高祖太武皇帝

太宗文皇帝

魏元氏大丞相渤海王

侍中太保司徒公廣陽懿烈王

廣陽忠武王

司徒廣陽王

廣陽文獻王

相國高王

汝南王

宜都王

使持節中外諸軍事齊王

上黨王穆

常山王驁

淮陽王尉

河東王苟

東陽王丕

淮南王他

秦王翰

司徒北海王詳

司牧高陽王雍

彭城王勰

濟南王文若

安豐王延明

中山王熙

瑯琊王誦

尚書令廣陽王嘉

陳留王虔

齊獻武王

鉅鹿王闡

錄尚書事彭城王詔

譙郡王亮

江夏王彝

臨洮王榮

太師大司馬洛州刺史馮熙

使持節幽州刺史司徒公胡國珍

司徒祖瑩字元珍

司空李無爲

太傅昌寧王李寔

少保建昌公竇略

司空高傲曹

司徒高隆之

侍中尚書今元乂

右僕射大行臺慕容紹宗

吏部尚書邢巒

驃騎大將軍儀同三司恒州刺史陸政

太常卿恭侯鄭瓊

雍州刺史韓仲詳

昌陵黃門崔陵

幽州刺史盧今守

沛郡太守趙元則

河南尹武邑公李獎

太子中庶子御史中丞陸載

衛尉卿許伯桃

散騎常侍溫子昇

寧遠將軍侯莫陳引

齊大丞相內外諸軍事常山王確

太尉蘭陵王長恭 司徒瑯琊王儼

錄尚書事長廣王湛

大都督錄尚書廣平王

大司馬清河王亶

左僕射廣寧王孝珩

侍中尚書令錄尚書事使持節都督趙

州諸軍事驃騎大將軍開府儀

同三司護軍將軍趙州刺史帶

六州都督并州大中正長安公

晉昌王唐邕

右丞相咸陽王斛律字明月

左丞相平原王段孝先

錄尚書事淮南王和士開

太常清河王高嶽

太宰章武王庫狄干秋

侍中秦王高歸彥 侍中尚書令元羅

尚書令高肇

太尉彭樂

司徒潘相

司空司馬子如

光祿大夫尚書僕射楊遵彥

少傳尚書僕射魏收

光祿大夫尚書僕射崔纖

右僕射崔季舒

左僕射燕子敬

僕射趙彥深

侍中斛律孝卿

侍中斛律文若

侍中徐之才

侍中高正德

七兵尚書王元景

太常卿崔昂

散騎常侍劉逖

衛尉卿杜弼

殿中尚書邢子才

秘書監祖孝徵

尚書左丞封孝琰

使持節平南將軍仁州刺史金紫光祿

周柱國襄州總管衛王

柱國益州總管趙王

柱國雍州刺中齊王

大師大冢宰柱國大將軍晉國公宇文

護

柱國尚書僕射楚國公豆盧寧

太傅柱國大將軍大宗伯鄧國公竇熾

侍中柱國大匠卿武衛將軍冠軍將軍

中散大夫安豐公段跡

大夫安康侯樊儒

柱國雍州牧南充八州諸軍事兗州總

管鄼國公竇恭

大將軍幽州刺史安定公宇文貴

開府儀同三司太子洗馬雲寧莊公瑋

瑤郡王拓拔勝

使持節陝州都督行臺郎中通直散騎

常侍河東公宇文善

開府儀同三司陽化公元昂

柱國大將軍隴東郡公楊纂

通州刺史右侍上士散騎常侍楊操

司空貞侯鄭穆

侍中少傳京兆郡守行臺郎中大匠卿

燕郡公盧景仁

太保柱國大將軍吳武公尉遲綱

大將軍南蠻都監常山公柳慶之

北荊州刺史安道公席顧

使持節柱國大將軍大都督漳州刺史

徐國公若干鳳

使持節太傅柱國大將軍清河公侯莫

陳休

太師柱國蜀國公尉遲迥

開府儀同三司安政公史雄

開府平北將軍仁州刺史安化公丘洪

寶

益州刺史中郎新州刺史蔡晳

開府威遠將軍王靜

大將軍和雞雄
昌大將軍爾綿永

司金大夫破多羅紀

軍司馬洪和公意力勤仲慶

隋弘聖宮樂平長公主

皇太子勇

秦王俊

蜀王秀

蜀王秀妃長孫氏

益州長史昌平公元嚴

漢王諒

太師上柱國申國公李穆

太保上柱國薛國公長孫覽

上柱國使持節淮南總管壽州刺史觀

王楊雄

大司馬上柱國神武肅公竇毅

上柱國尚書右僕射魯國公虞慶則

上柱國尚書左僕射齊國公高頫

上柱國左衛大將軍陳國公寶抗

上柱國武衛將軍梁國公侯莫陳芮

上柱國洛豫十七州諸軍事洛州刺史

左翊衛將軍詢陽公元孝矩

上柱國荊州總管上明公楊紀

上柱國尚書左僕射越國公楊素

上柱國尚書右僕射納言邳國公蘇威

上柱國都督河東諸軍事河東太守竇慶

上柱國右衛將軍南康公劉嵩

驃騎將軍儀同三司汾州刺史崔鳳

上柱國河間王楊辟邪

兵部尚書上大將軍龍崗公段文振

著作郎濟南侯王劭

上柱國亳靈四州總管海陵公賀若詛

使持節大將軍涼州諸軍事涼州刺史

趙國公獨孤羅

上柱國涼益六州總管蔣國襄公梁睿

上柱國廣宗莊公李崇

上柱國左武衛大將軍使持節涼州刺

史宇文慶

上大將軍營州總管魏興公韋世文

上柱國吏部尚書上庸公韋世康

廣漢太守襄垣侯薛琰

大唐高祖太武皇帝

纂堯居晉契武基周雲起龍騰撫期命世叶
一匡以興運因九合而樂推發自參墟克定
京室弔俗之規已布約法之教便伸井集五
星化覃四表地紐還正天維重張自東自西

遠安邇肅而義旗初指經彼華陰望祀靈壇
以求多祉其地乃萬國朝宗之路六合交會
之樞可以瞻仰儀形迺遲禪誦乃於神祠之
右式建伽藍造靈仙寺一所碑文李庶子百
藥製藻黼文映金碧相暉引曜朝夕之光煥
爛虹蜺之彩華臺森聳近對蓮峯畫觀昭曉
三日斜臨貝闕又造像書經備修提福京師造會
昌寺勝業寺慈悲寺證果尼寺集仙尼寺又
捨舊第爲興聖尼寺并州造義興寺並堂宇
輪奐像設嚴華複拱圖星重楣畫月高窓蕩

霧洞戶延風慧苑禪林莫不周備武德元年
於朱雀門南通衢之上營建道場設無遮大
會繢紛羽客執板來儀容與福田揚煙總萃
步虛繞引殆過行雲清梵徐迴堪留度馬芬
芳妙供類五淨而擎來照灼名華麗三山而
捧至於是車馬倨側士女輒填若湊峴山如
爭楔飲假今日光通夢唯傳白馬之徵菩薩
應生徒聞赤鳥之歲比之今日良有愧哉
又爲太祖元皇帝元貞太后造栴檀等身像
三軀相好奇特莊嚴希有於慈悲寺供養武

德元年仲春之月于時韶景揚暉青祇獻祉
兩儀交泰萬物咸亨應多福之宜布惟新之
澤命沙門道士各六十九人於太極殿七日
行道散席之日設千僧齋法琳以釋老二教
同處弘宣冀神功將三景連衡寶命與二儀

齊文乃課鄙詞上頌云爾

緬尋曠古遜聽元皇時因作訓用智垂芳
祈思望秩報德蒸嘗唯崇小祀焉聞大方
未弘三教但佩九章膺期撥亂粵我聖唐
明達因果端拱文昌化侔十號仁深百王

律中仲月 時登少陽 下憐蠢蠢 上答蒼蒼
式陳金闕 爰開道場 日宮照曜 星臺焜煌
空懸珠影 談動輪光 雲披玉宇 煙散名香
昌供疑飛下 聲含鳳鏘 麒麟表瑞 廿露呈祥
功隨劫遠 德共天長 恩霑有際 澤被無壘
命同元始 體類金剛 鴻基永永 降福穰穰

唐太宗文皇帝

口之異豐上允下之奇聰聖玄覽知來藏往
探幽入微窮神盡性凡厥天授具體自然徃
潛初德經綸天下屬隋氏季世竊內分崩火
燎崑峯水飛滄海王世充跋扈於鞏洛竇建
德趨趣於冀定唐弼辭舉旣蟻聚於三秦黑
闔武周亦鳩張於六郡皆爲逐鹿之意各開
僭號之儀擁無賴之子弟率烏合之徒衆縱
牛羊之力發水草之凶河右已來龍蛇等斃
中原之地玉石俱焚遂使地表天垂競有來
蘇之歎上京要服人興抒軸之悲我皇居帝

子之親膺天策之命用若厲之重救蹈冰之
危以夕惕之深赴倒懸之急備行九伐總統
六軍上臨之以日旗月旗下布之以天陣地
陣鼓聲震野氣動天門角響鳴山威驚地戶
於是帶流星而迴入乘奔電而前驅莫不瓦

解冰銷風行草偃凱歌獻捷無與論功自天
昌皇九紀已來五十二戰之後凡經一百二十
五代一千三百五十九世一千一十二萬二
千一百二十七年已來仗鉞臨戎麾旄誓衆
驅除氛祲夷剪攬槍拯橫流之溺救燎原之

禍平一區宇廓清天下未有我皇之用兵也
高祖凝神毓聖馳想煙霞之表出宵入冥高
蹈天人之外往以萬方昏墊百神愆祀屈頽
陽之高風拯率土之沉溺黔黎蒙再造之德
庶類荷裁成之恩上以黃屋爲心俯以蒼生
爲念脫屣之懷無忘於靈府釋負之志有形
於明發喜悌郊之可託忻宗祏之有主考時
練日傳大寶於少陽矣自光膺鑒撫作貳春
宮德覃內外仁被幽顯既而重光掞彩照燭
宇宙之間副武弘仁衍溢風雲之際聿遵三

善爰貞萬國及天門重啓寶曆惟新臨赤縣而大誓莊嚴撫黔黎而廣興利益開四等之日徧燭堯雲揚六度之風橫流舜雨寶舟沉而更涌慈雲捲以還舒仙臺將法苑共華玉鏡與金輪齊轉澤周有頂道被無垠靈應休徵兆符先見自寬仁德孝史備後書每以解網爲心結繩在念意欲求空罔圉長息烽燿森森群生同歸仁壽茫茫率土共奉真如貞觀元年獻肇夾鍾之月高暨勝幢少陽姑洗之辰洞開慧殿京城僧尼並於當寺七日行

道齋供所須有司准給散齋之日總就大興善寺貞觀二年下詔曰神道設教慈惠爲先玄化潛通亭育資始朕恭膺大寶撫愛黎元矜愍之心觸類而長是用傍求冥睨幽贊明靈所冀九功惟序五福斯應比嚴霜早降秋實不登靜言寡薄無忘慙惕今百穀滋茂萬實將成猶恐風雨失時宇養無寄敢藉聖明旦介茲多祉宜爲溥天億兆仰祈加祐可於京城及天下諸州寺觀僧尼道士等七日七夜轉經行道每年正月七月例皆准此玄恩咫

尺聖力冥扶景風膏雨應時屆節嘉苗種稑
被野亘原國富九年之資家豐萬箱之斂皇
帝宿樹五恒曠資十善啓興王之霸業赴億
兆之歡心但以建義之初時逢世季親當矢
石屢總元戎或東剪七雄西清八水縱神兵
而戮封豕乘天策以斬脩蛇旣動赫斯之威
恐結怨冤之痛其年季冬躬發詔旨自隋末
創義志存拯溺北征東伐所向平殄黃鍼之
下金鏃之端凡所傷殞難用勝紀手所誅剪
將近一千竊以如來聖教深尚慈仁禁戒之

科殺害爲重永言此理彌增悔懼爰命有司
京城諸寺皆爲建齋行道七日七夜竭誠禮
懺所有衣服並用檀捨冀三塗之難因斯解
脫萬劫之苦藉此弘濟滅怨障之心趣菩提
之道三年孟春降勅京城勑僧尼於當寺每
月二七日行道轉仁王大雲等經以爲恒式
正四十一
又奉勅波頗三藏等於大興善寺翻寶星經
琳爲序曰

像化東漸綿歷歲時三輪八藏之文四樹五乘之音顯神光於石室流梵響於清臺雖鞮譯相尋尚多疑闕我大唐皇帝迺聖迺神允文允武乘機撫運拯溺救焚及上皇之風行不言之化去泰去甚旣捨頻於八紘無事無爲迺朝宗於萬國瀚海天山之地盡入提封龍庭鳳穴之鄉咸霑聲教仁踰解網治踵結繩大德閑閑外齊八則小心翼翼內整四儀臨赤縣而溢慈悲寄玄扈而敷弘誓每以諸有非樂物我俱空眷言真要無過釋典有中

天竺國三藏法師波頗唐言光智誓傳法化不憚艱危遠涉葱河來遊震旦經塗所亘四萬餘里以貞觀元年庚戌泊于京輦旣登上席爰懋錦衣有詔所司搜揚碩德兼闡三教備舉十科者一十九人於大興善寺請波頗三藏法師相對翻譯沙門慧乘等證義沙門玄暮等譯語沙門慧明法琳等執筆承旨懃懃詳覈審名定義具意成文起貞觀三年三月訖四年四月凡十卷十三品用紙一百三十幅總六萬三千八百八十二言其年仲冬

勝光寺主僧珍奉勅就宮迎像於勝光寺供
養四年獻肇諸寺大德四十九人經三七日
慶像行道日滿設千僧會王公並來行香璵
又上

皇帝繡像頌曰

緬以八樹韜光兩河晦迹匿玉懸仰鑄鐸而
寫全身迦帝翹誠鎔金而圖真相乃洎乎青
晴南度白馬東翻像教鬱與靈儀福時於是
儼神姿以登松井屈聖體而施明珠光烈張
橋色流滻瀆示佩日於漢后感揮毫於晉君

或顧步而躡萬山乍徘徊而遊夢潛積祥嘉
瑞兆自由來未有刺縷圖真緩空範狀我大
唐皇帝景植四弘夙資五德祚功邁於軒昊
至治美於成康仁勲上玄力侔大造慶雲垂
彩金鏡含七曜之暉瑞鳥呈祥玉烟和四時
之氣素髮文身之長俱請命於玉庭穿曾瞻
耳之首共獻驛於魏闕加以留心八正篤意
五乘廣運檀那聿修淨業永言善逝冥漠何
追爰勅上宮式摹遺景奉造釋迦繡像一幘
并菩薩聖僧金剛師子備擣仙藻殫諸神變

六文雜踏五色相宣寫滿月於雙針託脩楊
於素手妍踰蜀錦麗越燕緹紛綸含七曜之
光布濩列九華之綵日輪吐焰藹袁宏之絲

等福田生生具足六因善報世世莊嚴劫石
碎而寶曆長存芥城空而皇基永固不勝慶
悅輒迺頌云

凝涌出雲衣搖曳望似飛來何但極思迴腸
抑亦巧窮玄妙以今歲在庚寅月居太簇三
元啓候之節四始交泰之辰乃降綸言於勝
光伽藍設齋慶像四十九僧三七行道大秦
紅粟備香積之餐周穆金膏陳梵王之供四

光宅天下 攸序彝倫 體道迴向 式建福田
針裁赤果 繼制青蓮 文含綺爛 彩奪霞然
華疑迥發 蓋似空懸 方諸涌地 邁彼騰天
歲在提格 時旅青陽 奉遵徽命 爰崇道場
十科星聚 八座霞張 風迴雅梵 殿鬱名香

鴻基盛業 永永無疆

主上每以聽覽餘暇遊息藝林討孔壁之謨
披石經之訓觀百王之往事考三教之指歸
而謂理未涉於空空事終淪於有有詳夫性
靈真要可以持心濟俗者莫過乎釋氏之教

矣眷言法藥有意流通爰有中天竺國三藏
法師本利利王種姓刹帝名波羅頗迦羅密
多羅唐言作明知識遠聞唐國弘闡大乘故
涉葱河來遊聖世以貞觀元年大呂之月躬
賈梵本達乎上京昔高宗治興傳巖入夢今

我皇道盛德星現野法師識度通敏器宇沖
邃五百應供結集之文八萬修多所詮之理
自法蘭赴漢僧會遊吳傳譯相尋而有所未
喻者法師皆委其首末究其異同假令內部
諸計外人別執莫不吞若胷中說猶指掌至
於承華論席肅成解義特蒙悅可簡在帝心
卷四
其四年孟春有詔波頗三藏等可就勝光伽
藍翻譯般若燈大莊嚴二論上柱國尚書左
僕射邢國公房玄齡散騎常侍左庶子詹事
杜正倫等奉勅銓定碩德一十九人右光祿

大夫太府卿蘭陵男蕭環爲勑使檢校百司
供給四事豐厚琳又預充執筆迺爲序曰般
若燈論梵本有六千餘偈摩伽陀國種姓大
士婆毗薛迦菩薩唐言分別明之所作也始
夫萬物非有一心如幻心幻如故雖動而恒
寂物非有故雖起而無生是以聖人說如幻
之心鑒非有之物了物非物則物物性空知
心無心則心心體寂達觀之士得其會歸而
忘其所寄於是分別戲論不待遣而自除無
得觀門弗假修而已入蕩蕩焉不在不離無

住無依者也佛滅度後七百年間有出家菩
薩厥名龍樹深達實相得無生忍爲報佛恩
開演中論付法藏云其人於像法中然正法
炬折邪見幢外國傳云智慧日已頽斯人今
再曜世昏寢已久斯人寤令覺中論凡五師
卷四
注釋分別明菩薩即一人也此菩薩多聞總
持智深志固以本願力不捨群生住脩羅宮
待見彌勒屬以去聖時遠衆論紛然致令雪
山採藥多收毒草深水求珠競持瓦礫誠恐
一理不窮反增邪見一言不盡翻起異端乃

讚述龍樹偈文爲茲般若燈論其爲論也。訶
斥内外讚揚真俗窮無生理究實相源照無
不寂寄名般若執無不破喻日明燈蓋方廣
之中心諸佛之行處矣。嗟乎後之學者便息
百城之遊未無五失之謬論凡二十七品爲
十五卷若內人立義皆標人名無名者例稱
自部若外人立義亦標人名無名者例稱外
人縛解品已前慧贊執筆觀業品已後法琳
執筆於是起四年夏訖六年冬勘定既周繕
寫云畢所司詳讀乃上奏聞勅令所司各寫

十部散付諸寺普共流通旣踵輪王十善化
世國內諸市悉斷屠行普禁民間不許宰殺
江南之地立寨取魚三十餘州觸處皆爾必
須破堰然乃取之所取者比鄧林之一枝枉
死者過恒沙之億數又降慈造悉廢除之又
屬歲阜時和海內豐稔又度僧尼三千人諸
州散配旣而德動上玄感通至聖七難俱殄
七福備臻恩洽九垠之表威加八極之外其
年孟夏匈奴王頡利等並率其臣子攜其部
落襁負爭趨前後繼踵延望闕庭傾國而至

謁天門而請命就夷邸以餐和不煩衛霍之
師自窮巢尤詎假軒轅之衆席卷逋逃漢南
無雜虜之憂塞北罷強胡之寇馬岸龍堆之
域旣沐唐風交河清海之濱咸爲聖土康哉
卷四
康哉共歡於茲日無爲無事同慶於今晨統

天立極之功獨高前古奉佛崇善超諸往賢
主上曾經戰場白刃相拒至于登極情深厥
衷乃下勅凡所陣場並建寺有司供給豫令
周備宇內凡置十所嚴整可觀又昔因避暑
躬幸南山卜此神居啓茲大壯其地也帶秦

川之眇眇接隴岫之蒼蒼東觀浴日之波西
臨懸月之浦鳳企窮奇之石鬱律鑽天龍盤
謫詭之崖穹窿刺漢豈獨巖松撥日抑亦澗
竹捎雲實四皓養德之場蓋三秦作固之所
爲太武皇帝捨而爲寺旣曾利見因曰龍田
又送太武及主上等身夾紵像六龜求鎮供
養大衆所資有司供給無勞買地不待布金
逆風和氣之香氛氲滿院吉祥柔軟之草爛
熳垂階又爲穆太后於慶善宮造慈德寺甄
叔迦寶閣浮檀金種種莊嚴一一華麗雖知

所作希有猶言罔極未伸六年仲夏於臺城
西真安坊內又爲穆太后又造弘福寺考茲
形勝襟帶市朝爰命鳬人開基締構甫移銀
榜即此金園法侶摩肩朝貴延首其地則高
墉負郭羅百雉而紓餘層城結隅峻九重而

旦四

十七

延袤於是廣闊寶坊備諸輪奐瞻星測景置
泉衡繩玉鳥垂暉金鋪曜彩長廊中宿反宇
千霄浮柱繡栱上圖雲氣飛軒鏤檻下帶虹
蜺影塔礮其相望經臺巒其益架盤丹青之
矩雙殫藻繢之瓊奇妙極天仙思窮神鬼金

盤承露比玉樹於甘泉寶鐸和風狀瓊林於
安養疎鐘夜徹清梵朝揚韻合漁山響符龍
木靈異之所栖託定慧之所依憑了義息心
於是乎在

辯正論卷第四

音釋

鷁	支義	魏	胡頰	則	肝	古我	頰居永	黼
	支義切	魏切	胡頰切	則切	肝切	古我切	頰居永切	黼切
於	於賓切	謂之	謂之	偏	偏	偏	偏	偏
山	山切	山	山	側	側	側	側	側
不	不切	謂	謂	偏側	偏側	偏側	偏側	偏側
也	也	也	也	偏側切	偏側切	偏側切	偏側切	偏側切
死	死	祭	祭	近	近	近	近	近
貌	貌	也	也	陸	陸	陸	陸	陸
攬	攬	捨	捨	趙	趙	趙	趙	趙
	攬切	捨切	捨切	七余切	七私切	七私切	七私切	七私切
				趙起	趙起	趙起	趙起	趙起
				典	典	典	典	典
撲	撲							

